

Gvangjsih Minzcuz Bau

Cawiguenj: Gvangjsih Bouxcuengh Swcigh Minzcuz Cunghgvau Swvu Veijvenzvei

Cawjbanh: Gvangjsih Minzcuz Bause

Geiz neix 8 bani

广西民族报

Aenhauh okbanj: CN45-0036

B.2023

Nd.9 Ng.27

Liggaeuq gvejmaux nienz ndwenbet cibsam

Geizsoq: Gungh daih 3591 geiz

Gaiq Cibgouj Yacouh Yindungvei Youq Hangzcouh Haimuq Hoenghhwd

Siz Ginbingz Camgya Yizsiz Haimuq Caemhcai Senhbu Gaiq Yayinvei Neix Haimuq

Cai Giz Dingh Sezsiengz Gyoengq Bouxdaeuz Caeuq Hekgviq Daengj Gak Dieg Yacouh Camgya

第十九届亚洲运动会在杭州隆重开幕

习近平出席开幕式并宣布本届亚运会开幕

蔡奇丁薛祥 来自亚洲各地的领导人和贵宾等出席

Sinhvazse Hangzcouh 9 nyied 23 hauh dien. Gaiq Cibgouj Yacouh Yindungvei 23 hauh ban-haemh youq Cezgyangh Swngj Hangzcouh Si haimuq hoenghhwd. Guekgya cujsiz Siz Ginbingz camgya yizsiz haimuq caemhcai senhbu gaiq Yayinvei neix haimuq.

Cai Giz、Dingh Sezsiengz, vanzlij gyoengq bouxdaeuz caeuq hekgya daengj gak dieg Yacouh camgya.

Yizsiz haimuq gaxgonq, gyoengq

vunzlai gak dieg Cezgyangh biujyienj le gij vwnzyi cezmuq miz daegsaek deihfueng lailai, hawj yienhciegzh hwnghuengh hoenghhwd.

20 diemj 9 faen, gyoengq yindungyenz cingqsiq haeuq ciengz. Miz souj go 《Yasiya Raeuz》 angqvau guhbueng, doengh aen dijuuz dai-byaujdonz daj 45 aen guekgya caeuq digih daeuj de aen dam aen haeuq ciengz, gyoengq bouxyawj daengx ciengz bouxbou angqvauvau coux gyoengqde. Souj 《Go Ciengq

Guekcoj》 sing yiengj yungfofo nei baez ciengq le, baihuhcawj hix dwg Cunghgoz Daiyaujdonz ceiqlaeng haeuq ciengz, Siz Ginbingz soengz-hwnj doiq gyoengqde vad fwngz, daengx ciengz doengzcaemh angqvauvau caez, sing bekfwngz hemq angq giz liux giz dem. Cunghgoz Daiyaujdonz gungh 1329 vunz, ndawde 886 boux yindungyenz camgya doxdax, yaek doxdax 38 hangh hung, 407 hangh iq ndaw gaiq Yayinvei neix.

21 diemj 16 faen, yizsiz haimuq guh daengz seiz ceiq hawj vunz hwnjheiq. Guekgya cujsiz Siz Ginbingz senhbu: Hangzcouh Gaiq Cibgouj Yacouh Yindungvei haimuq! Baez senhbu liux, daengx ciengz couh lumj raemx goenjfofo nei, “feizmbaw soqcih” dawzhwnj yoeng-yoeng, daengx ciengz sing bekfwngz hemq angq nanznanz mbouj dingz.

(youq Gvangjsih Yizbau genj aeu mbanj daeuj hoiz)

Gvangjsih Cung Bae Gungganq Vunzcaiz Sawgeq Sawcih Minzcuz

广西吹响民族文字古籍人才建设号角



▲Ndaw doz dwg yizsiz haiban.

Dangz Lungz/唐龙 ingj

Gicej dou bauq (gicej Veiz Yingjcinh) 9 nyied 21 hauh daengz 22 hauh, Aen Bansonlien Gungganq Vunzcaiz Cingjleix Caeuq Okbanj Sawgeq Sawcih Minzcuz (Geiz Daih' it) youz Gvangjsih Saujsu Minzcuz Baujhu Yenzgiu Cunghsinh caeuq Gvangjsih Gyauyuz Cuzbanjse cawj-banh de youq Namzningz banhban. 9 nyied 21 hauh, youq gwnz yizsiz haiban, baihcawjbanh cingqsiq goeng-

bouh le 6 hangh suenqveh gungganq vunzcaiz, hixdwg naeuz cung bae gungganq vunzcaiz sawgeq sawcih minzcuz lo.

Boux fucungjbenheiz Gvangjsih Gyauyuz Cuzbanjse Vuz Cinhyaz naeuz, aen cuzbanjse de caeuq Gvangjsih Saujsu Minzcuz Baujhu Yenzgiu Cunghsinh yaek banh ndei “bansonlien gungganq vunzcaiz cingjleix caeuq okbanj sawgeq sawcih

minzcuz”, heij guh “aen cang vunzcaiz cingjleix caeuq okbanj sawgeq Sawcuengh”, hwnqguh aen bingzdaiz gungganq vunzcaiz “hag-dangz sawgeq”, haifat yonjgen fugsah vunzcaiz, ciuq aen unqsik baengh hanghmoeg bae gungganq vunzcaiz, gya rengz lai senhconz vunzcaiz sawgeq daengj roek aen banhfap, cauquh aen doih hong vunzcaiz sawgeq daj goek daengz byai guh hong soucomz, okbanj, senhconz vanzlij bienqbaenz soqcih.

“Gvangjsih youq daengx guek dwg bouxbing ceiq naj guh hong sawgeq minzcuz vunznoix, ok goeng-rengz youqgaenj guh hongsaeh sawgeq minzcuz vunznoix. Gvangjsih comz rengz gungganq ‘seiq doih vunzcaiz’, guh boux baegonq faenloih vunzcaiz sawgeq daengx guek.” Bouxcucangj Gozgyah Minzveij CenZ Goz Saujsu Minzcuz GujciZ Cinglij Yenzgiu Yezvuzcu Yangz Soz youq gwnz dangz son yozyenz seiz gangj daengz. De gangjnaeuz, maqmuengh Gvangjsih laebdaeb guh ndei hongsaeh cau ndei lijilun, hwnq ndei hanghmoeg caeuq gung ndei vunzcaiz, gungganq ndei doengh boux vunzcaiz caemh ak

cingjleix caeuq okbanj sawgeq minzcuz caeuq sawgeq Sawgun, ok gingniemh engqlai hawj daengx guek bae guh hong gungganq vunzcaiz.

Gou cam vunz cix rox, dangqnaj Gvangjsih Saujsu Minzcuz Baujhu Yenzgiu Cunghsinh guhdaez gungganq gyoebbaenz le ‘seiq doih vunzcaiz’ hong sawgeq (aen doih bouxciepcienz vwnzva ndawbiengz minzcuz, aen doih guh hong vwnzva minzcuz si yen, aen doih lauxcangh yozcej, aen doih guh hong benheiz okbanj caeuq bienqbaenz soqcih) gungh miz 120 lai vunz, neix bauj miz vunzcaiz guh hong hawj hongsaeh sawgeq hwnghat ndei saed.

Gungh miz 75 boux yozyenz daj gak dieg gak hangz daeuj camgya sonlien.

Daengx Beixnuengx

Bet Cibngux caeuq Goz-ging cuengqgyaj, dou mbouj ok geiz bauqcej 10 nyied 4 hauh lo. Muengh gyoengq beixnuengx gvaq ciet youq ndei gwn van.